



Zbog malverzacija u sarajevskim firmama "Mrkva" i "Mrkva Group" palo pet osoba

ĆEVABDŽIJE OJADILE BUDŽET ZA MILIONE

Uz vlasnika, pali i
Amel Ćapin, Ermin
Špilja, Arifi Malići,
te Adis Biberović

Dragan SLADOJEVIĆ

SARAJEVO - Zbog sumnje da su budžet FBiH oštetili za višemilionski iznos, pripadnici Državne agencije za istrage i zaštitu (SIPA) juče su uhapsili pet Sarajlija, uključujući i Adnana Mrkvu (44), vlasnika sarajevske ćevabdžinice "Mrkva".

Prema nezvaničnim informacijama, osim njega pali su i Amel Ćapin (43), Ermin Špilja (30), Arifi Malići (46) te Adis Biberović (31), koji obavljaju različite dužnosti i poslove u firmama "Mrkva" i "Mrkva Group".

Prve, još nepotvrđene informacije pokazuju da su budžet oštetili za oko pet miliona maraka.

Svi oni privedeni su na području Sarajeva, u sklopu operativne akcije "Rebus", koju je SIPA počela da sprovodi juče u ranim jutarnjim satima.

"Te osobe sumnjiče da su počinile krivično djelo organizirani kriminal, u vezi sa krivičnim djelima poreska utaja, krivotvorenje ili uništavanje poslovnih ili trgovačkih knjiga ili isprava, podnošenje lažne poreske prijave i pranje novca", saopštila je Kristina Jozić, portparol SIPA.

Kako saznajemo, SIPA je juče pretresla i 14 lokacija, a cilj je bio pronalazak što više dokaza koji će se koristiti u daljem krivičnom postupku.

Nezvanično se saznaje da su uhapšeni duže vrijeme prepravljali poslovne knjige i tako prikazivali promet manji od ostvarenog, a koja je bila uloga svakog od njih biće utvrđeno daljom istragom.

Istraga je, kako saznajemo, trajala više mjeseci, i do sada je prikupljeno više dokaza o nezakonito obavljanim radnjama u "Mrkvi", koja ima veći broj ćevabdžinica u Sarajevu, a koje spadaju među najposjećenije.

"U poslovne knjige su osuđeni unosili lažne podatke o nabavci robe, kao i ukupnom prometu robe u tim ćevabdžinicama", otkriva izvor upućen u is-

tragu.

Hapšenje je, kako navode iz SIPA, realizovano po naredbama Kantonalnog suda u Sarajevu i Kantonalnog tužilaštva Kantona Sarajevo.

"Osobe lišene slobode bit će privedene u službene prostorije SIPA, gdje će se nad njima izvršiti kriminalistička obrada, na-

kon čega će, uz izvještaj o počinjenom krivičnom djelu i počinioćima, biti predate na dalje postupanje Kantonalnom tužilaštvu Kantona Sarajevo", navela je Jozićeva.

**SUMNJIČE IH,
IZMEĐU OSTALOG,
ZA PORESKU UTAJU
I PRANJE NOVCA**

Page: 10

Reach: 0

Country: BOSNIA AND HERZEGOVINA

Size: 600 cm2

2 / 3



Page: 10

Reach: 0

Country: BOSNIA AND HERZEGOVINA

Size: 600 cm2

3 / 3

